

Desember 2022

VIËTNAM 15 – 28 Oktober 2023 NADERE BESONDERHEDE

TOERPRYS: R58 250 plus lughawebelasting en foottjies van ongeveer R8 530 en koste van visum en reisversekering, wat volgens eie behoefte bepaal word (sien NIE INGESLUIT BY DIE TOERPRYS NIE).

INGESLUIT BY DIE TOERPRYS:

- Retoervlug met "Singapore Airline": **Johannesburg** via Singapoer na **Hanoi** en terug vanaf **Hoi Chi** via Singapoer na Johannesburg.
- Bootvaart na die skilderagtige Trag An landskap (Unesco werelderfenis gebied)
- Twee binnelandse vlugte in Vietnam
- Oornag bootrit op die Pelican Classic Cruise
- Daaglik 2 etes, sommige dae drie
- Baie goeie hotelle
- Bootvaart langs die Thu Bon Rivier na : 'n "kookskool" vir 'n kookles (ons middagete)
- Ontmoet plaaslike inwoners en deel hul ervaringe
- Plaaslike gidse
- Afrikaanssprekende toerleier vergesel groep
- Bootvaarte is onderhewig aan weerstoestande

NIE INGESLUIT BY DIE TOERPRYS NIE:

- Lughawebelasting: Die lughawebelasting is gekoppel aan die wisselkoers en beloop vir die verskillende vlugte ongeveer R6 950
- Foottjies: Toerleiers oorhandig dit namens u aan die busbestuurders, boot-, hotel- en ander dienspersoneel. Foottjies per persoon: R1 580
- Visum: ongeveer R2 000
- Reisversekering, waaroor u later volledige besonderhede sal kry
- Persoonlike uitgawes soos telefoonoproepe, aandenkings, drankies, ekstra verversings ens.
- Paspoorte – verkryging daarvan
- Vervoer na en van SA lughawens
- Binnelandse aansluitingsvlugte na O.R. Tambo-lughawe (indien van toepassing)
- Enkelverblyfbybetaling by benadering (indien van toepassing). Sien volgende punt

ENKELVERBLIF

Toerlede kan enkelverblyf kry, mits hulle bereid is om 'n bedrag by te betaal: R13 520.

Alternatiewelik kan u versoek om met een van die ander enkellopende toerlede 'n kajuit/kamer te deel, indien daar iemand beskikbaar is.

INSKRYWING

'n Inskrywing is eers geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

Nadat u ingeskryf het, ontvang u Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die lughawebelasting kan verander aangesien dit aan die wisselkoers en brandstofpryse op die dag van uitreiking gekoppel is.

DEPOSITO

Die Toerdeposito beloop **R10 000 per persoon**.

FINALE BETALING

Die volle toerprys plus alle ander geld (fooitjies, versekering ens.) vir die toer moet vóór **15 Junie 2023** betaal word. (Tref asseblief vroegtydig die nodige reëlings dat u geld betyds beskikbaar is.) **LW: Soos met alle toere, is die prys van dié toer gekoppel aan faktore buite ons beheer wat die toerprys en toerprogram kan beïnvloed.**

WYSE VAN BETALING

- Vliegkaartjies en lughawebelasting kan nie per kredietkaart betaal word nie en moet aan CvW-Toere betaal word.
- **Bankdeposito/EFT:** Die res van die toerprys (landreëlings) word ook direk aan Christine van Wyk-Toere betaal deur inbetalings/elektroniese oorplasinge, **nadat u inligting in 'n omsendbrief daaroor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

Bankbesonderhede:

Christine van Wyk-Toere

Standard Bank Tjekrekening (Lopende rekening / Current account)

Takkode: **051001**

Tjekrekeningnommer: **410 722 782**

NB: Gebruik u voorletters en van as verwysing (nie die toer se naam of u noemnaam nie) **met betalings!**

KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Ingeskrewe toerlede wat vóór **15 Mei 2023** skriftelik kanselleer, kry **R9 500** per persoon van die toerdeposito terug. Toerlede wat **daarná, tot 15 Junie 2023** kanselleer, kry **R9 000** per persoon terug. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê **vóór 15 Junie 2023**), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellasië kragtens die polis aanvaarbaar is. Volledige besonderhede oor reisversekering word aan almal wat inskryf, gestuur.

Toerdeposito's van toerlede wat kanselleer, word terugbetaal na afhandeling van die toer se finansies aan die einde van die toer en nadat CvW-Toere u volledige bankbesonderhede skriftelik ontvang het.

Vliegkaartjies en eie vlugte

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan die koste van die groepvliegkaartjie van die toerprys afgetrek word.

Die afslag ter sprake is: **R9 000**

Konsessiehouers en persone met eie vlugte kan in Hanoi, of waar elders ooreengekom, by die toergroep aansluit.

Wegbrekers

Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooi van ongeveer R500 indien u u groepvlug wil aanpas.

PASPOORTE (DRINGEND!)

Maak asseblief seker dat u paspoort vir minstens 6 maande ná u terugkeerdatum uit Viëtnam geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.

MINDERJARIGES WAT SAAM MET U REIS (Indien van toepassing)

BAIE BELANGRIK: Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikate wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

GESONDHEID EN TOERFIKSHEID

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heelyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus of boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap. 'n Mens moet deurentyd jou eie handbagasie kan hanteer en bereid wees om jou groot (inweeg)tas by jou hotelkamer te besorg indien daar nie bagasiediens beskikbaar is nie. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap. Indien u nie aan hierdie riglyne voldoen nie, MOET u iemand saamneem wat na u kan omsien.